

Q'ZBEKISTON ZAMINI


Земля Узбекистана

Land of Uzbekistan



ISSN 2181-9955

Ilmiy-amaliy va innovatsion jurnal



4/2023

<i>R.Qurvontayev</i>	<i>Karakulov N.M., Amanbayeva Z.A., Rysbekov A.J. Development of the service sector and tourism in Urtachirchik district</i>	84
<i>U.Norqulov</i>		
<i>A.S. Shamsiyev</i>		
<i>A.S. Uralov</i>		
<i>E.Yu. Safarov</i>		
<i>D.A. Qodirova</i>		
<i>M.E. Saidova</i>		
<i>K.M. Boymirzayev</i>		
<i>L.Q. Qarshiboyeva</i>		
<i>O.O' Davronov</i>		
<i>B.N. Inamov</i>		
<i>R.N. Sharopov</i>		
<i>T.M. Abdullayev</i>		
<i>J.Z. Usmonov</i>		
<i>Sh.Sh. Azizov</i>		
<i>A.Rabbimov</i>		
<i>Jurnal 2019 yil aprel oyidan chiqa boshlagan</i>		
<i>Bir yilda to'rt marta chop etiladi</i>		
<i>Obuna indeksi: 1356</i>		
Manzilimiz:		
100124, Toshkent Sh.,		
Mirzo Ulug'bek tumani,		
Feruza massivi 158B-uy		
Tel:		
+99894 647 - 87 - 35		
+99888 788 - 77 - 84		
E-mail:		
uzbekiston_zamini		
@umail.uz		
www.uzzamin.uz		
www.uzdavyerloyiha.uz		
<i>Chop etilgan</i>		
<i>maqola mazmuni</i>		
<i>va unda keltirilgan</i>		
<i>ma'lumotlarning</i>		
<i>to'g'rilligiga muallif</i>		
<i>javob beradi</i>		
<i>O'zbekiston zamini ilmiy-amaliy innovation jurnali O'zbekiston Matbuot va axborot agentligida 2019 yil 10 yanvarda 1006-raqam bilan ro'yxatga olingan.</i>		
<i>O'zbekiston Respublikasi Oly attestatsiya komissiyasi Rayosatining qarori bilan quyidagi fanlar bo'yicha dissertatsiyalar asosiy ilmiy natijalarini chop etish tavsya etiladigan milliy ilmiy nashrlar ro'yxatiga kiritilgan:</i>		
06.00.00-Qishloq xo'jaligi fanlari		
03.00.00-Biologiya fanlari		
05.00.00-Texnika fanlari		
11.00.00-Geografiya fanlari		
08.00.00-Iqtisodiyot fanlari		
18.00.00-Arxitektura fanlari		

**ANTROPOGEN OMIL TA'SIRIDA TUPROQLARNING TABIIY HOLATI VA
XOSSALARINING O'ZGARISHI**



*Q.S. Zakirova
Q.x.f.f.d. (PhD), dotsent v.b.
O'zbekiston Milliy Universiteti*



*Z.Z. Abdushkurova
Q.x.f.n., dotsent v.b.
O'zbekiston Milliy Universiteti*

Annotatsiya. Ushbu maqolada Sirdaryo viloyati Boyovut tumanida tarqalgan sho'rلانган tuproqlarni fitomelloratsiya go'llash orqali meliorativ holatini yaxshilash to'g'risida ma'lumot berilgan.

Kalit so'zlar: Tuproq, sho'rланish, tuzlar, qizilimlya, fitomelioratsiya, dinamika.

Изменение естественного состояния свойств почв под влиянием антропогенного фактора

Аннотация. В этой статье приводятся сведения о улучшении мелиоративного состояния засоленных почв распространенных в Сырдарьинской области Баявутском районе при применении фитомелиорации.

Ключевые слова: Почва, засоление, соли, глика, фитомелиорация, динамика.

Changes in the natural state of soil properties under the influence of an anthropogenic factor

Abstract. This article provides information on improving the reclamation state of saline soils common in the Syrdarya region, Bayavut district, when using phytomelioration.

Key words: Soil, salinization, salts, licorice, phytomelioration, dynamics.

Kirish. Antropogen omillar ta'sirida yer sharining gidrosfera qismida sodir bo'lgan hidrogeologik, biosferadagi-ekologik, pedosferadagi tuproq erozion va meliorativ o'zgarishlarning miqdori ko'rsatkichlari va ularning qiymat baholari afsuski hisoblab chiqilmagan. Vaholanki, bunday baholar erozion, meliorativ va ekologik salbiy oqibatlarni oldini olishga xizmat qilgan bo'lar edi.

BMT Komissiyasining atrof-muhitni muhofaza qilish bo'yicha o'tkazgan tadqiqotlari tabiiy resurslarni, unda sodir bo'lishi mumkin bo'lgan salbiy jarayonlarni hisobga olmay turib, keng miqyosda foydalanish tabiat, atrof muhit uchun bir qadar "ikkilamchi" va tasavvur qilib bo'lmaydigan "samaralarni" (zararni) keltirib chiqarishi, bu oqibatlarning qiyamti esa olinadigan foydadan bir necha yuz barobar oshib ketishi mumkinligi qayd etilgan. Xalqaro UNESCO tashkiloti ma'lumotlariga ko'ra, XX-asning oxirgi choragida inson faoliyati ta'sirida 9 mln. km² dan ortiq tanazzulga (degradatsiyaga) uchrangan yer-maydonlari paydo bo'lib, ular hozirda umumiyo quruqlik maydonining 43 foizini tashkil etadi. Hozirda dunyo aholisining 1/6 qismi sahrolanish jarayonidan aziyat chekmoqda. BMT ekspertlarining ta'kidlashlaricha, XX-asning oxiriga kelib mahsuldar yerlarni davriy yo'qotilishi

natijasida dunyo o'zini haydaladigan yerlarining deyarli 1/3 qismidan ayrilishi mumkin.

Qishloq xo'jaligida foydalanadigan yerlar holatiga inson faoliyati ayniqsa katta ta'sir o'tkazadi. Almashlab ekish, daraxtzorlar barpo etish, yerlarni zaxini qochirish, sho'rini yuvish, tekislash va boshqa bir qancha agromeliorativ tadbir tuproqning rivojlanishiga va uning asosiy xossa-xususiyatlariiga juda katta ta'sir ko'rsatadi. Qo'riq yerlar birinchi haydalgan kunidan boshlab, tabiiy qiyofasini o'zgartiradi, ya'ni ularning ustki chim qatlami yo'qolib, u pastki qatlamlar bilan aralashib ketadi.

Tuproqning havo va suv tartiboti, o'simliklar va tuproq jonivorlarining hayoti uchun zarur shart-sharoitlar ham o'zgaradi, yerlarni o'g'itlash orqali bu jarayon yanada kuchayadi.

Mirzacho'l tabiatiga, uning tuproqlariga inson omillarining faol ta'siri hududning dastlabki o'zlashtirish, keyinchalik esa paxta tolasiga va boshqa qishloq xo'jalik mahsulotlariga bo'lgan talabning ortishi, yengil sanoatni paxta bilan ta'minlash maqsadida, keng ko'lamdag'i yangi yerlarni o'zlashtirish va sug'orish bilan bog'liq. Shu munosabat bilan kanallar, sug'orish tizimlari, kollektor-zovur tarmoqlari qurilishining avj oldirilishi, birinchedan hududni texnik qayta shakllanishiga olib kelgan bo'lsa, ikkinchedan bu katta o'zgarishlar tabiiy landshaftlar komponentlarini o'zaro tabiiy aloqadorligiga katta putur yetkazib, tuproq qoplamalari, qishloq xo'jalik ekinlari va boshqa tabiiy o'simliklarni himoya qilish va tuproqlar melioratsiyasi muammolarini keltirib chiqardi. Sug'orma dehqonchilikni jadallashtirish sur'ati keyingi yillarda respublikamizda ancha oshdi. Lekin ekinlardan yuqori hosil olish maqsadida mineral o'g'itlarga talab kuchaydiyu, tuproqning tabiiy rivojlanishiga e'tibor ancha kamayib ketdi. Natijada, tuproqning unumdonorlik imkoniyati kamaya boshlaydi.

Hosil bilan chiqib ketadigan organik moddalar hisobiga tuproqning chirindi miqdori, azot va oziqa unsurlarining kamayib ketishiga sabab bo'ladi. Oziqa unsurlari muvozanatidagi tanqislik esa asosan, mineral o'g'itlar hisobiga to'ldiriladi. Chirindining kamayib ketishi vegetatsion, ishlovlar berishlar, tuproqlarning fizikaviy xossalariiga (holatiga) ta'sir qiladi, ularning zichligi oshadi, havo va suv tartibotlari

yomonlashadi. Katta meyorda mineral o'g'itlar, gerbitsidlar, zaharli kimyoiy moddalarni qo'llash, ular qoldiqlarining tuproqda to'planishiga sabab bo'ladi. Tuproq chirindisining harakteri va tartibi ham o'zgaradi, uning himoya funksiyasi kamayadi.

O'simliklar o'sish jarayonida ajraladigan har xil moddalar tuproqda to'plana boradi natijada, madaniy o'simliklarni kasalga chalintiruvchi har xil mikroblar rivojlanadi. Bundan tashqari, mineral o'g'itlar tuproq chirindisiga ta'sir ko'rsatib, uning harakatchanligini oshiradi, agar ana shu jarayonlar meyyorlashtirilmasa (normallashtirilmasa) tuproq rivojlanish jarayoni salbiy tomonga yo'nalishi mumkin.

Keyingi yillarda bir qator viloyatlarda (massivlarda) antropogen omillar ta'sirida kuchayib borgan salbiy holatlar – tuproq sho'rланishi va tanazzuli jarayonlari agrar tarmoqqa katta zarar yetkazmoqda, bu muammollar o'z navbatida olimlar, tuproqshunoslar, melioratorlar va boshqa mutaxassislarini yer resurslaridan to'g'ri va samarali foydalanish masalasini yangidan ko'rib chiqishga da'vat etmoqda.

Tadqiqot obyekti va uslublari. Sirdaryo viloyatida sug'oriladigan yerlarni qulay meliorativ holatda ushlab turish uchun umumiyligi 16395,6 km shu jumladan 1962,7 km li xo'jaliklararo va 14432,9 km li xo'jaliklar ichki kollektor-zovur tarmoqlari qurildi, ularning solishtirma uzunliklari hektar boshiga o'rtacha 46 pogon metrgayetkazildi. Vertikal skvajinalarning soni (Sirdaryo viloyati va Jizzax viloyatining bir qismi) 1672 tani tashkil etadi. Biroq, mazkur gidromeliorativ tizimlar qurilishidagi xato va kamchiliklar va ulardan noto'g'ri foydalanish sug'oriladigan hududlar tabiiy sharoitlarini tubdan o'zgartirdi, sizot suvlari yer yuzasiga yaqinlashib, sho'rланish jarayonlari kuchaydi.

Viloyat hududida yarim-gidromorf va gidromorf tuproqlar keng tarqalgan. Viloyat sug'oriladigan tuproqlari och tusli bo'z, o'tloqi-bo'z, bo'z-o'tloqi, o'tloqi, botqoq-o'tloqi va o'tloqi-botqoq tuproqlardan iborat.

Tuproqlari, asosan, och tusli kuchsiz joylashgan bo'z tuproq bo'lib, kam va o'rtacha sho'rangan, mexanik tartibiga ko'ra, qumoq va soz tuproqlardir. Tekisliklarda sho'rxok va sho'rxoksimon tuproq uchraydi. Yer osti suvining chuqurligi 5-6 m. Sho'ro'zak massividagi, hali

o'zlashtirilmagan pastqam joylarda sho'rxoklar keng tarqalgan. Sug'oriladigan yerlarning 32 foizi sho'rangan, 25 foizi kuchsiz sho'rangan, 16 foiz sho'rxoklardan iborat [48].

Tuproqlarning ishlab chiqarish qobiliyatiga salbiy ta'sir ko'rsatuvchi va ular unumdorligining pasayishiga olib keluvchi omillardan biri suv va sug'orish eroziyasidir. Viloyatning sug'oriladigan yerlarida turli darajada suv va irrigatsiya eroziyasiga chalingan maydonlar 3566,0 gektarni tashkil etadi. Bunday maydonlar viloyatning Boyovut tumani (G'alaba -3260,3 ga va Shirin-306,1 ga) hududlariga to'g'ri kelib, kam yuvilgan tuproqlar hisoblanadi. Shamol eroziysi Sardoba, Oqoltin va Mirzaobod tumanlarida rivojlangan.

Viloyatda sug'oriladigan qishloqxo'jalikyer maydonlarining 23,4 foiz turli darajada gipslashgan bo'lib, kuchsiz gipslashgan yerlar maydoni 21,2 foiz, o'rtacha gipslashgan tuproqlar 2,2 foizga teng bo'lib, kuchsiz gipslashgan yerlar viloyatning Mirzaobod tumanida katta maydonlarni 34,6 ming ga, qolgan tumanlarda etadi (Sirdaryo va Oqoltin tumanidan tashqari) 2,7-5,5 ming gektarni tashkil. O'rtacha gipslashgan tuproqlar viloyatning Sardoba, Xovos, Sayxunobod va Mirzaobod tumanlari hududida uchraydi. Gipslashgan yerlar yuqori darajada sho'ranganligi, o'ta zichlashganligi, suv o'tkazuvchanligining yomonligi bilan xarakterlanib, bunday yerlar o'simliklarning ildiz tizimlarini normal rivojlanishiga salbiy ta'sir ko'rsatadi. Tuproq unumdorligiga ta'sir ko'rsatuvchi yana bir salbiy omil bu tuproqlardagi degumifikatsiya jarayoni hisoblanadi. Organik moddalarning kamayishi tuproq agrokimyoiy xossalaring salbiy tomonga o'zgarishiga olib keladi [1].

O'simliklarni normal o'sishi va rivojlanishiga kuchli ta'sir etuvchi o'rtacha va kuchli sho'rangan yerlar maydoni viloyat bo'yicha 47376 gektarni yoki jami sug'oriladigan maydonlarga nisbatan 16,51, jami sho'rangan yerlarga nisbatan esa 16,76 foizni tashkil etadi. Viloyat sug'oriladigan yerlaridagi meliorativ nobop maydonlar 9,98 foiz ko'rsatkichlarida kuzatilib, bunday maydonlar Sardoba va Mirzaobod tumanlarida jami sug'oriladigan yerlari nisbatan mos ravishda 10,45 va 34,62 foiz ko'rsatkichlarida qayd qilingan [1].

Meliorativ holati og'ir maydonlarda

dastlabki 1-2 yil ichida "o'zlashtiruvchi" ekinlar - beda, dukkakli, oraliq ekinlar ekish, sideratlarni kuzda shudgor sotiga ko'mib tashlash kutilgan natijalarini beradi, tuproqda organik moddalar miqdori ko'payib boradi. Meliorativ holati "o'ta yomon" deb baholangan: kuchli va juda kuchli sho'rangan grunt suvlarini yer yuzasigacha ko'tarilgan, suv ta'minoti yetishmaydigan, melioratsiya tizimlari ishdan chiqqan, foydalananmasdan "bo'z" holatiga aylangan, g'o'za hosildorligi 8-10 sentnerdan oshmaydigan, qayta o'zlashtirish davri kamida 6-8 yilni tashkil etadigan, niyoyatda qiyin melioratsiyalanuvchi, katta mehnat va harajatlar talab etuvchi yerlarni paxta maydonlari tasarrufidan chiqarish, ularni g'allá, oziqabop ekinlar, chorvachilik uchun beda, poliz-sabzavot ekinlari yetishtirish va mevali bog'lar, uzumzorlar barpo qilishda foydalinish katta iqtisodiy samaralar beradi, sho'rланishning oldi olinadi, tuproqlar unumdorligi oshib boradi deya bir qator olimlarimiz tavsiya berishganlar [2].

Tadqiqot ishlarni bajarish jarayonida hudud tuproqlarini o'rganish bo'yicha olingen tuproq na'munalarini keng ommabop tuproqlarning kimyoviy va fizik xossalarni o'rganadigan usullardan keng foydalilanigan. Sho'ranganlik darajasini aniqlashda "suvli so'rim" metodidan foydalanim (GOST 2642885), Suvli so'rim orqali xlor ionini aniqlash (GOST 26425-85), Suvli so'rim orqali karbonat va bikarbonat ionini aniqlash (GOST 26424-85), Suvli so'rim orqali sulfat ionini aniqlash (GOST 26426-85), Suvli so'rim orqali Na⁺ va K⁺ ionini aniqlash (GOST 26427-85) lardan foydalaniladi.

Hududdagi tuproqlarning sho'rланish darajasi mukammallashtirilgan klassifikatsiyasiga muvofiq l-kesma o'rtacha sho'rangan, 2-kesmamiz esa juda kuchli sho'rланish darajasini ko'rsatdi.

Yuqorida keltirilgan ma'lumotlardan bilsak bo'ladiki, ushbu tadqiqot hududi tuproqlarning meliorativ holati anche yomon holatda ekanligini ko'rish mumkin. Mana shunday hududlarga fitomeliorativ o'simliklarni qo'llab tuproqning meliorativ holatini birmuncha yaxshilab olish mumkin. Huddi shunday o'simliklardan biri bu qizilmiya (*Glabra L.*) hisoblanadi. Qizilmiya o'simligining o'ziga xos xususiyatlarini aytadigan bo'lsak, ushbu o'simlik sho'rga chidamli, qurg'oqchillikka chidamli o'simliklar sirasiga

kiradi.

Umuman olganda, davlatimiz joylashgan hudud asosan arid zonaga kirishini barchamiz yaxshi bilamiz. Bunday hududlarda o'stirib yetishtiradigan o'simliklar alohida o'ziga xos hususiyatlari bo'lishini tabiatning o'zi bunga majbur qiladi. Iqlimi issiq hamda qurg'oqchil zonalarda dehqonchilik bilan shug'ullanish birmuncha qiyinchilik tug'diradi.

Shularning barchasini hisobga olgan holda qizilmiya o'simligini tadqiqot uchun tanlanganligiga sabab shundan iboratki, qizilmiya o'simligi tuproq tarkibidagi harakatchan tuzni o'zining tanasiga olib o'zi bilan turoqdan olib chiqib ketadi. Shirinmiya (qizilmiya) o'simligi tuproqdagi tuzlar va boshqa minerallar hisobiga ildiz sistemasi oddiy sho'rланмаган tuproqqa qaraganda birmuncha judayam yaxshi rivojlanadi. Uning ildizlari tuproqqa chuqr kirib yer osti sizot suvlarigacha yetib boradi va mana shu suv hisobiga undagi rivojlanishlar kechadi. Qizilmiya o'simligi qanchalik sho'r joyda o'ssa uning ildiz sistemasi shunchalik yaxshi rivojlanadi hamda uning ildizlari shiraga boy bo'ladi. Juhon bozorida shirinmiyyaning shirali ildizpoyalariga farmaseftika sanoatida talab ko'p. Bunga sabab uning ildizidan gletserizin kislatasi ishlab chiqariladi. Yer usti qismi ya'ni barg, moyasi chorva mollar uchun judayam ozuqaga boy yem xashak sifatida foydalilanildi.

Sirdaryo viloyati Boyovut tumani "G'alaba" fermer xo'jaligi 2004-yildan beri 40 hektar maydonga shirinmiya o'simligini ekib o'stirib keladi. Qizilmiya o'simligi ekilgan kattakatta plantatsiyalar hosil qilingan. Qizilmiyani boshqa fitomeliorativ o'simliklardan avzallik taraflari shundan iboratki, qizilmiya o'simligi dala maydonini begona o'tlardan tozalab beradi. Qanday qilib deysizmi, qizilmiya ekilgan maydonda yillar davomida o'simlikning ildizpoyalari mustahkam o'mnashib oladi. Begona o'tlarning vegetatsiya davri boshlanguncha qizilmiya ungacha ozining yashil moyasi unib chiqadi. Begona o'tlarga esa quyosh nuri tushmasligi natijasida o'zlarining hayot davrini boshlay olishmaydi. Mana shunday hol yillar davomida takrorlanishi natijasida begona o'tlar asta sekin kamayib ketdi, dala maydonlari esa tozalanib boradi.

Qizilmiya o'simligi dastlab uning qalamchalari ekiladi. Hamma o'simliklar qatori

o'zini tiklab olguncha unga ishllov beriladi, ya'ni go'zaga qanday o'g'it qo'llanilsa, sug'orilsa qizilmiyaga ham huddi shunday ishllov beriladi. Toki uning idizlari yer osti sizot suvlarigacha yetib borguncha.

Qizilmiyaning ildizpoyalari har 3 yilda kovlab olinadi va ildizlarni qayta ishslash korxonalariga topshiriladi. O'simlikning vegetatsiya davrida tuproqda biologik faoliyat yaxshi tarafga o'zgaradi. Bu degani tuproqning g'ovakligi, undagi havo rejimi, biologiyasi yaxshilanadi. Tuproqdagagi suvda oson eriydigan tuzlarni ham qizilmiya o'zining tanasiga oladi va vegetatsiya oxirida tuproqqa qayta qoldirmaydi. Mana shu jihatlari bilan boshqa meliorant o'simliklardan farq qiladi. Qizilmiya o'simligi ekilgan maydonning meliorativ holati 5 yilda ko'rinarli darajada yaxshilanadi. Ushbu o'simlikdan almashlab ekishda foydalanilsa ayniqsa maqsadga muvofiq bo'ladi. Undan tashqari qizilmiyadan ajratib olingan ekstraktdan qishloq xo'jaligida foydalanish juda yaxshi ko'rsatkichlarni ko'rsatadi. Misol qilib aytadigan bo'lsak, qizilmiyadan ajratib olingan ekstraktini 1/1000 nisbatda suvg'a aralashdirib kartoshkaga ishllov berilsa, kartoshkaning gullashi, kurtaklanishi tezlashadi va buning natijasida hosildorlik 17 foizga ortadi.

Tabobatda qizilmiya ildizida to'planadigan glitsirrizin moddasi juda ko'pgina kasalliklarga davo bo'ladi. Yaqin yillarda butun jahonga hujum qilgan "COVID 19" virusining keying yillardagi yangi shtamplarida aynan mana shu glitsirrizindan foydalanish mumkinligini yaqin kunlarda nemis olimlari tomonidan isbotlandi. Ularning ma'lumotlariga ko'ra glitsirrizin antioksidant, yallig'lanishga qarshi, kortikosteroidga o'xshash ta'sirga ega ekanligi aytib o'tilgan.

Glitsirrizin moddasi faqatgina insonlar uchun dorivor bo'libgina qolmay bu modda qizilmiyaning o'ziga ham ijobiy ta'sirini ko'rsatadi. Bunda o'simlikning ildizi atrofida biologik olam o'zining gavjum hayotini boshlaydi. Noqulay sharoitga tushib qolgan spora holatdagi mikroorganizmlarning hayotini davom ettirish uchun qulay sharoit yaratiladi. Qizilmiya o'simligi huddi ildizida azotobakteriyalarni o'ziga biriktiradigan o'simliklar singari tuproqni boyitadi. Natijada tuproq tarkibida mikroorganizmlar faoliyati natijasida chirindi miqdori ortadi,

unumidorlik ko'payadi, hosildorlik ortadi. Tuproqning strukturasi yaxshilanadi. Umumiylar qilib aytganda tuproqning holatini har tomonlarma yaxshilab beradi. Tuproqning unumidorligini 2.5 baravargacha oshirib beradi.

Qizilmiyaning samaradorligini hisoblab ko'rildigan bo'lqa, 5 yil mobaynida 1 hektar maydonga qizilmiyani o'stirish uchun 20 mln.so'm sarf-xarajat qilinib 14 tonna o'simlik ildizini olish mumkin bo'ladi. Yuqorida ta'kidlaganimizdek, qizilmiya ildiziga jahon bozorida talab yuqori. Undan tashqari qizilmiya poyasidan 8000 tonna quruq mahsulot olinadi. Agarda 5 yildan so'ng almashlab ekish amalga oshirilmasa yana kerakli agrotexnik tadbirlar qo'llab o'simlikni yana qaytadan o'stirish mumkin bo'ladi. Bu o'stirilgan qizilmiyadan har yili yer ustki qismidan yashil massani olib chorva mollarga yem sifatida foydalananish mumkin. Yer ostki qismidan esa 4 yildan keyin hosil yig'ib olish mumkin bo'ladi. Mana shu tariqa qizilmiyani meliorativ holati yomon holatda bo'lgan yer maydonlarga qo'llab yaxshi natijalarga erishish mumkin bo'ladi.


Yuqorida aytib o'tganimizdek, fitomelioratsiya faqatgina tuproqning sho'rلانishinigina olmasdan, tuproqning xossalari ham yaxshilab beradi. Uning sxemasini aytib o'tdigan bo'lsak, qizilmiya ekilgan tuproqda o'simlikning ildiz sistemasi juda ham yaxshi rivojlanganligi sababli uning chuqur kirib borishi natijasida mustahkam tuproqqa birikib turadi. Adabiyotlarda berilishicha qizilmiya o'simligi ham huddi beda o'simligi singari o'zining ildiz sistemasi atrofidagi azotobakteriyalar bilan birga simbiotik hayot kechirib atmosferadagi

erkin azotni ildizi atrofiga to'playdi. Ya'ni azot fiksatsiyalaydi, tuproqni azot bilan boyitadi. Ham tuproqni azot bilan boyitib ham tuproqdagi tuz miqdorini kamaytirib berganida tuproqning xossalari o'z-o'zidan yaxshilana boradi. Bunda mikroorganizmlar uchun qulay sharoit paydo bo'ladi, bu degani tuproqda yana qaytadan hayot boshlanganidan darak beradi. Mikroorganizmlar bor joyda hayotning biotik qismi jonlanganidan dalolatdir. Mikroorganizmlar o'z hayoti davomida tuproqning fizik xossalarni yaxshilab boradi, agrofizik xossalarni yaxshilab boradi. Tuproqning aeratsiyasi, g'ovakligi optimallashadi.


Fitomelioratsiyadan so'ng tadqiqot hududimizdagagi tuproqlarning meliorativ holati anchagini yaxshilanganini laboratoriya tahlili natijalaridan ko'rishimiz mumkin bo'ladi. Tahlil natijalariga ko'ra 1-2-kesmalar Lebedov klassifikatsiyasiga binoan sulfat-sodali sho'rланish tipiga mosligini ko'rsatib turibdi. Demakki, qizilmiya o'simligi xlor tuzini o'zlashtirgani ma'lum bo'ldi.

Hozirda yuqorida keltirilgan ma'lumotlarni bir-biriga solishtiradigan bo'lsak, qizilmiya o'simligi sababli tuproqda qanday o'zgarishlar sodir bo'lganini ko'rsak bo'ladi.

1-kesma bo'yicha berilgan ma'limotlarni solishtirganimizda yaqqol ko'zga tashlanishi mumkinki fitomelioratsiya orqali tuproqdagagi suvda osson eriydigan ortiqcha tuzlardan tozalash mumkin bo'ladi, pH ko'rsatkichi, tuproqning elektr o'tkazuvchanligi, quruq qoldiq tahlillari, tuzlarning umumiyligi yig'indisi sezilarli darajada kamayganini ko'rish mumkin. Bunda tuzlar yig'indisi 0.716 foizga kamayganligini buning natijasida



1-rasm. 1-kesma bo'yicha ba'zi tahill natijalarining solishtirmasi.




2-rasm. 2-kesma bo'yicha ba'zi tahill natijalarining solishtirmasi.

esa quruq qoldiq miqdori ham 0.73 foizga kamayganligini ko'rishimiz mumkin. EC ga ma'lumotlarimiz esa ko'zga ko'rindigan tafovut bilan farqini bilishimiz mumkin. Ya'ni 1.75 sm ga pasaygan.

2-kesma bo'yicha tuzlar yig'indisi, pH ko'rsatkichi, quruq qoldiq hamda elektr o'tkazuvchanligi natijalarning fitomelioratsiyadan oldingi hamda keyingi holatdagi natijalarni

solishtirganimizda pH ko'rsatkichimiz 0.84 ga, EC ma'lumotlarimiz 4.2 sm ga, tuzlar yig'indisi 1.602 foizga, quruq qoldig'imiz esa 1.662 foizga kamayganini ko'rishimiz mumkin.

Tuproq muhitining optimallashishi bizning sharoitda o'simlik uchun juda ham qulay holat bo'ladi. Elektrokonduktometr apparati yordamida o'changan tuproqning elektr o'tkazuvchanligining yuqori ko'rsatkichni ko'rsatishi bunda tuproq




3-rasm. 1-kesma bo'yicha ion miqdorlar solishtirmasi.

tarkibidagi kation hamda anionlarning miqdori ko'pligidan dalolat beradi. Tahlil natijalariga e'tibor beradigan bo'lsak, bu ko'rsatkich juda ham bilinarli darajada past ko'rsatmoqda. Albatta, bunday natijalar quvonari holatdir. Bundan ma'lum bo'ladiki, turoq tarkibida anion ham kationlar miqdori anchagini kamaygan. Bu esa ham tuproqdagagi mikroorganizmlar uchun, ham fitomeliorativ o'simlikdan boshqa o'simlik uchun mo'tadir sharoit sanaladi.

1-kesma bo'yicha fitomelioratsiyadan oldingi hamda fitomelioratsiyadan keyingi tahlil natijalarini ionlar miqdorini solishtiradigan bo'lsak, bunda HCO₃⁻ ionining foiz miqdori deyarli o'zgarmagan ya'ni 0.003 foizga kamayganligini ko'rish mumkin bo'ladi. Cl⁻ ioni sezilarli darajada miqdori kamayganligini ko'rish mumkin (0.084 foiz). SO₄²⁻ ioni esa 0.4 foizga kamaygan. Bu o'z navbatida SO₄²⁻ ionining o'zaro 50 foizga kamayganligini ko'rish mumkin bo'ladi. Ca ionining miqdori 0.078 foiz, Mg ionining miqdori esa 0.005 foizga kamayganligini ko'rish mumkin.

Yuqorida keltirilgan ionlarni miqdorlar batta umumiy holatdagi ko'rsatkichidir. Uning qanday kation qaysi anion bilan bog'liq holda ekanligi noma'lum. Shunigina aytishimiz mumkinki,



4-rasm. 2-kesma bo'yicha ion miqdorlar solishtirmasi.

laboratoriya ishlarini amalga oshirayotgan paytda probirkadagi so'rimning moddalar ta'sirida o'zgarishini kuzatish paytida juda ham zaxarli bo'lgan xavfli sho'rланish tipi uchramaganini ko'rishimiz mumkin. Buni qanday bilsak bo'ladi degan savolga shunday javob berish mumkin, Mg ionini aniqlash jarayonida trilon B usulidan foydalananish paytida titravotgan jarayonda titrash uchun sarflangan trilon B ning miqdori Ca ionini aniqlash uchun sarflangan trilon B ga nisbatan kam miqdorda bo'lsa, demakki tuproqda "qora sho'rланish" uchramasligini bilishimiz mumkin bo'ladi. Agarda Mg uchun sarflangan trilon B ning miqdori Ca ionini aniqlash uchun sarflangan trilon B ning miqdoridan ko'p chiqadigan bo'lsa, unda tuproq tarkibida Mg ioni ustunlik qilgan zaxarli tuz bilan sho'rланanligini bilish mumkin bo'ladi. Masalaga bunday yondashish tajribali laboratoriya hodimlaridan uzoq yillik tajribalari asosida kelib chiqadi.

2-kesma bo'yicha ionlar miqdorlarining solishtirmasiga binoan HCO₃⁻ ioni o'zgarishga uchramagan. Cl ioni 0.318 foizga kamayaganligini ko'rish mumkin. Ya'ni o'zaro foizlarda aytadigan bo'lsak 95 foizga yaqin Cl ioni qizilmiya o'simligi tomonidan o'zlashtirilgan. SO₄²⁻ ioni 0.774 foizga kamaygan, o'zaro foizlarda 60 foizga kamaygan.

Ca ioni 0.078 foizga, Mg ioni esa 0.063 foizga kamaygan.

Natijalar asosida shuni aytish mumkinki, qizilmiya o'simligi tuproq tarkibidagi Cl hamda SO₄ ionini o'ziga o'zlashtirishi mumkinligini ko'rish mumkin.

Xulosa, taklif va tavsiyalar. Tuproqning muhiti tuproq tarkibidagi minerallarga hamda ion birikmalariga bog'liq bo'ladi. Ya'ni tuproq tarkibidagi birikmalarga bog'liq. O'zbekiston hududidagi deyarli barcha tuproq muhiti ishqoriy muhitini tashkil qiladi. Shunga ko'ra Boyovuttumani tuproqlari ham shular jumlasidan. Kuzatuvlar natijasi shuni ko'rsatadiki, sho'rlangan tuproqlarda pH muhiti kuchsiz ishqoriy hisoblanadi.

Fitomelioratsiya qo'llangandan so'ng HCO₃⁻ ioni sezilarli darajada o'zgarishga uchramaganini ko'rish mumkin. 1- hamda 2-kesmalarda deyarli o'zgarmagan.

Cl ioni esa juda katta foizlarda tafovutni ko'rishimiz mumkin. Bunda 1- va 2-kesmalarda 75-95 foiz oralig'ida qizilmiya o'simligi o'z tanasiga o'zlashtirganini ko'rishimiz mumkin.

SO₄²⁻ ion ikkala kesmada 50-60 foiz oralig'ida tebranadi. Shu bilan birgalikda Ca ioni ham 36-42 foizlar oralig'ida, Mg ioni 14-76 foiz oralig'ida tebranishini ko'rishimiz mumkin.

Tuproqning sho'rlanishiga qarshi kurashda fitomelioratsiya usuli qo'llanilganda, tuproqning meliorativ holati, biologik faolligi yaxshilanishiga erishiladi. Qizilmiya o'simligini tuproq tarkibidagi tuzlarni o'zining tanasi orqali tuproqdan olib chiqib ketadi. Iqtisodiy samaradorlik bo'yicha uning ildizpoyasiga qayta ishlash korxonalariga, jumladan tabobatda talab kattaligi sababli undan foydalanish yaxshi samara beradi.

Arid mintqa xos bo'lgan Sirdaryo viloyatinning tuproqlari ham sho'rlanishga moyilligi, yer osti sizot suvlarining yaqin joylashganligi hisobiga, agarda u yerlarni sho'r yuvish ishlarini olib boradigan bo'lsak juda ham ko'p suv kerak bo'ladi va yuvGANIMIZDAN so'ng sizot suvlariga qo'shilib sathi ko'tarilishi hisobiga yana qaytadan sho'rlanishi mumkin bo'ladi shu sababli bu hududlarda fitomelioratsiya usulini qo'llash tavsiya qilinadi.

Foydalantilgan adabiyotlar ro'yxati

1. Qo'ziyev R.Q., Abduraxmonov N.Yu., Boirov A.J., Toshqo'ziyev M.M., Axmedov O.U., Ismonov A.J.,

Mirsodiqov M.M. Sirdaryo viloyati sug'oriladigan tuproqlarini meliorativ xolati va ularning unumdortigini saqlashga doir tavsiyalar. Toshkent 2016-y. 5,7,9,12-13,15-16-b.

2. Toshqo'ziyev M.M., Ziyamuhamedov E.A., Axatov A. Sirdaryo va Jizzax viloyatlarining sug'oriladigan tuproqlari / Monografiya. - Toshkent: O'zRFA «Fan» nashr., 2005-y. IV-bob. 92-121-b.

3. Turg'unov M.M. Mirzacho'l vohasi sug'oriladigan tuproqlari xossalalarini lazerli tekislash ta'sirida o'zgarishi: Avtoref.diss. q.x.f.f.d.(PhD) - Toshkent-2019-y. 20-b.

4. L.van de Sand, M.Bormann, M.Alt, L. Schipper, C.S. Heilingloh, D. Todt, U.Dittmer, C.Elsner, O.Witzke, A.Krawczyk. "Glycyrrhizin effectively neutralizes SARS-CoV-2 in vitro by inhibiting the viral main protease" 2020-y.

5. Umitova N.F., Zakirova S.Q. – Tuproqshunoslik va agrikimyoiy tadqiqotlar institutining ilmiy jurnali. // "Sho'rlangan tuproqlarni fitomelioratsiya yo'li bilan meliorativ holatini yaxshilash". №4/2022-y. 69-72-b.

6. https://Sirdaryo_viloyati&variant=uz-cyr